

沈乃文 主編

明別集叢刊 第三輯

第十七冊

黃山書社





國家出版基金項目
NATIONAL PUBLISHING FUND PROJECT


『十二五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第三輯

第十七冊

黃山書社



(明)宋 纁 著

莊敏公遺集一卷

清康熙刻商邱宋氏三世遺集本

商丘宋氏三世遺集序

吾師漫堂宋公既詳考譜牒撰家乘十四卷而又追論其先世詩文片紙隻字隨事編錄定爲三世遺集三世者公之伯曾祖莊敏公祖福山公父文康公也集成將授諸梓乃命門人周龍藻爲之序序曰人之事其祖父也非徒語言文字之求亦求其德與業之大者紹衣之光大之已耳龍藻觀宋氏三世俱起家郡縣福山公初筮遽歿而墮淚之碑遺愛猶存若莊敏文康兩公勛名竝著於巡撫日厥後秉銓筦陟綸扉而人猶謳思其綏靖之功

商丘宋氏三世遺集

序

不替今吾師自通守歷監司靡不去後見思其撫兩江也極十有八年之久膏澤所加肌淪髓浹而後有冢宰之擢豈惟位秩與莊敏文康竝凡德業之恢廓亦既亢其宗矣而猶斤斤焉求語言文字之僅存者而世守之何也蓋三代之興必先其令聞古之孝子慈孫明發有懷雖栢棖之微視之不以啻天球弘璧也而况言爲心聲字爲心畫固足以垂勸誡而繫創承者歟倘岸然恃其德業之恢廓而以語言文字爲可忽其與乃逸乃諺謂昔之人無聞知者相去幾何韓魏公琦有言祖先所爲文

字與家世銘誌必寶而藏之有遺逸者精意搜掇

不容少懈此物此志也吾師又嘗爲龍藻言流寇之亂歸德最被其毒莊敏公著作甚富惟四禮初稿古今藥石及商丘邑志以板行得流傳其他手澤掃地無餘福山公文僅留一篇而文康公生平著作亦多湮沒無可考訂深用惋歎然則斯集所輯在吾師方致恨于千百之存什一而又安得不斤斤寶貴之歟夫人必視其祖若父語言文字之小者重而德業之大自有所不敢忘是故斤斤斯集之守乃所爲紹衣光大之本也今吾師子與孫入躋侍從出列方面者行接踵而起苟人人以吾師之心爲心喬木茂於苞根長川發於浚源宋氏之德業繼繼承承殆未之有艾也已

商丘宋氏三世遺集

序

莊敏公遺集目錄

從曾孫榮編

四禮初稿序

古今藥石序

商丘縣志跋

重刻漕運議單序

停減買辦疏

裁定鹽法事宜疏

綏戢地方疏

明故承直郎吏部稽勳

清吏司主事穎山卞公墓誌銘

附家傳

商丘宋氏世遺集

莊敏公遺集

莊敏公遺集

從曾孫榮編

四禮初稿序

禮之衛人甚於城郭人顧自棄於禮者豈以禮爲非是而不貴耶蓋儀文周詳人苦其難因其難而遽禮之廢也豈獨齊民已哉然則指途導軌莫若就簡刪繁余嘗有志未暇萬曆癸酉春得告歸攝藥餌餘閑乃彙諸家禮書參互考訂先求制作之源次及條件節目之詳其間窒礙難行及有不安於心者則斟酌變通謬加損益期不失乎禮之本義簡要易從焉爾然皆據一時之見未敢遽以爲是也故以初稿名焉昔者魯昭公如晉自郊勞至於贈賄無失禮晉侯善之而司馬侯乃以爲是儀也不可謂禮豈禮固有出於儀文之外者乎是又在秉禮者自擇之

古今藥石序

萬曆癸酉余釋負抵里有客荷衣蕙帶揖而叩余曰荃芷盈庭蕢薪屏谷子何病焉而遽求田間舍乎余應之曰僕病在膏肓非子之所能知也客異之因出是編以示之曰此吾治病方也知方則知

病矣客覽既乃懼然易容曰子之病天下之通病也其方古今之良方也蓋公諸曰茲吾志也錄以授之客再拜杖策跨驢而去期十年病愈結社於終南之陽余挽之不可得乃歌以送之曰消盤可濯兮窮石可舍青松為蓋兮馬可縹纒未解兮言已結

商丘縣志跋

商丘縣設自嘉靖乙巳越三十六年辛巳曲沃呂侯既治商有成政矣歎邑乘久缺後將何述適余在告而沈太史氏以丁內艱亦宅憂於里乃闢館

商氏世道集

莊敏公

二

禮延安子所止姚子植徐子紹休赫連子應霽楊子三策張子問行侯子體乾安子世鳳任分纂而屬余與沈太史氏總其事越明年壬午書告成余以一日長乃僭言於卷末曰信傳信疑傳疑史法也的然者飾其所本無厭然者揜其所本有譬諸繪像者弗像奚取於像哉且見知者以為贗而聞知者即以為真矣夫志以彰往信來而欺也可乎余為此關三字飾不肖之形以炫後世之美觀也若曰宋有足徵則吾豈敢

重刻漕運議單序

議單舊有刻間有開載未備者至於歷年續增緣非一手是以體裁參差未免為成書之累繆自承乏國計嘗與二三僚案參互考訂乃令郎中于文熙杜潛蕭良譽重加檢閱校正遺者補之參差者歸一之書成題曰重刻漕運議單夫方策布文武之政而舉之惟在得人周禮存周公之法而行之必本關雎麟趾之意故曰有治人無治法繆觀是書所載宏綱細目燦然畢備且皆先民之遠猷又經累朝聖明裁定始列為一代章程是在主計者確持國是毋曲徇毋喜紛更縱有當變通者止當革弊以存法不當因弊以變法後有建議必關切漕務經久可行者方請續入不得一槩濫收使人以議論繁多議其後則善矣斯授梓意也

停減買辦疏

戶部尚書臣宋纁為庫藏萬分匱乏懇乞聖明俯賜停減買辦以昭儉德事雲南司案呈奉本部送戶科抄出內承運庫太監孫順等為急缺金兩寶石珍珠等項事奉聖旨著買辦上急送用該部知道欽此欽遵抄出到部臣等竊惟皇上以潞王之國取用金珠寶石等項以洪錫子之仁臣等敢不

商氏世道集

莊敏公

三

將順第前項珠寶珍藏於巨室非若五穀充盈於市肆買辦必須召商召商必須厚其價值又必取給於太倉銀庫有無虛實莫逃聖鑒卽督臣九月所奏外庫實在之數僅一千五百有奇已盡數湊解遼東年例今該庫所請金珠寶石等項計用銀三十二萬兩不知皇上令臣等於何處取給無銀而名買雖朝廷之法難行於商人商人空手以扣巨室之家其誰我應矧歲內尚該各邊年例銀一百三十餘萬臣等方日夜兼思寢食俱廢乃復益以額外之負臣等非能鬼運神輸其何以仰副明

南宋氏遺集

莊敏公

四

裁定鹽法事宜疏

戶部尚書臣宋纁爲鹽法久敝衆議異同懇乞聖明俯賜裁定以惠商民以足國計事山東司案呈奉本部送戶科抄出山西巡按御史吳達可題前

事奉聖旨戶部知道欽此欽遵通抄送司案呈到部看得河東巡鹽御史吳達可題開歸二府改食山東長蘆當議有四內除三關之積逋宜緩已經本部題免無容再議外其餘三事相應開立前件再加酌議題請定奪施行伏乞聖裁一曰商人之積困宜恤前件臣等查得本年二月內該河南撫按官袁貞吉等會題河東曬鹽味苦運到開歸二府鹽斤派散追征商民俱困欲要改食山東長蘆之鹽卽今已認河東額課已經本部覆奉欽依訖今御史吳達可題稱各商運發二府鹽斤棄之則引價業已輸官不棄則地方業已他屬欲要議處及查本部原題自萬曆十七年爲始正慮及此合行移文河南撫按轉行二府將河東各商運到鹽斤聽於十六年內盡數分派追價不許拖欠仍自十七年起始行山東長蘆之鹽既求民便又不困商斯爲兩利之道也伏乞聖裁三曰運道之蔽塞宜通前件臣等看得開封舊隸山東彼時河東引鹽亦從襄城等縣經過無有稱不便者况商人運鹽發賣俱有水程引目所過州縣誰得而革之今御史吳達可議割河南開封河北四縣於長蘆而

南宋氏遺集

莊敏公

五

餘屬州縣留之以通運道似涉過慮且以開封一府大梁守巡二道屬兩巡鹽御史管轄事體尤為不便合行河南撫按行令襄城等縣照近河題定例仍行山東長蘆之鹽如遇河東商人運發南陽等府鹽斤經過即便放行不許留難違者聽河東巡鹽御史叅治伏乞聖裁四曰歷待之增數宜減前件臣等看得河東額鹽四十二萬引正德八年增餘鹽二十萬引共鹽六十二萬引每年額課銀一十九萬七千三百七十六兩萬曆十一年因歷欠商人引價乞從處補本部議於六十二萬引內

每年撥十萬引免課以補商人遺下課銀三萬六千兩於太倉補發近該河南撫按會題開歸二府食河東鹽不便本部議將二府改食山東長蘆之鹽就於河東餘鹽二十萬引內撥一十五萬引該課銀四萬八十兩令山東長蘆運司分認以抵河東額課餘引五萬准暫免歲止辦課四十二萬引其所減餘鹽二十萬引仍每年於內撥補商人十萬引待補完即行停止已經題奉欽依訖今御史吳達可題稱河東每年撥商人歷待鹽十萬引原在六十二萬之內今減二十萬為四十二萬復令

於正課外撥補商人十萬有減二十萬引之虛名而無其實乞要再為量減合如所議移咨都察院轉行本處就於四十萬引內撥商人五萬引再於所減餘鹽二十萬引內撥五萬引共湊足十萬引以補商欠計河東運司每年辦鹽四十七萬止納三十七萬之課待補完商欠仍復四十二萬正課本部亦於每年補發山西鎮銀內減去一萬六千兩仍行長蘆巡鹽御史將所分地方正課事宜查照原題作速議處停妥伏乞聖裁

綏戢地方疏

戶部尚書臣宋纁為饑民哨聚可虞乞勅當事臣工綏戢以安地方事臣等於本月初七日接到江西巡撫陳有年一本為撫綏無狀天時人事種種可虞乞賜罷斥竝陳地方急務以圖消弭事內開饒州府餘干縣居民方球黃大章等家被不知姓名百餘人將各倉圍搶及南昌府進賢縣有不知姓名百餘人將民人文九家倉穀搶去等因奉聖旨該部知道欽此先該直隸巡按劉懷恕一本饑民糾聚搶亂叅處債事官員以彰法紀以安地方事內開二月二十日夜數百餘人打劫彭取守

等家發兵逐去二十八日崔瑞鳴大麥一船被百餘人搶去等因奉聖旨該部知道欽此臣等又聞松江常州等府饑民搶攘不殊二省山東之濟南東昌兗州三府亦弱之肉強之食矣夫歲值災傷民窮盜起非敢於違法誠迫於不得已也嘗聞漢臣言人情一日不再食則饑終歲不製衣則寒夫腹饑不得食膚寒不得衣雖慈母不能以保其子君安得以有其民哉方今旱潦之虞幾遍宇內江北洪水爲劇山東河南旱魃尤烈是以民不聊生餓殍相藉哨聚搶奪觀望而起雖一時災黎烏合

商臣奏稿

莊敏公

八

蟻聚旋即解散似若未害但恐豪奸巨猾因饑民之易亂幸凶歲之可乘攘臂鼓煽於其中則一倡千合其患有不可勝言者況松常爲根本輔郡而淮揚實咽喉之衝河南爲腹心要區而齊魯尤肘腋之地較之他省此爲最要若視其攘亂而不爲之所甚非所以馭窮民而固國本也臣等願皇上思歲祲之可憫念民亂之當憂切先事之慮嚴未然之防申飭地方當事諸臣多方撫綏勿泥常套可蠲不妨再爲之請蠲可賑不妨再爲之請賑便宜設處務期盜息民安儻有不良之輩哨聚竊發

商臣奏稿

莊敏公

九

府州縣官卽時申報本省撫按緝捕擒治共圖消弭果係饑民曉諭解散如獲首惡必置之重典殄厥渠魁使難逃於三尺之法不許隱匿盜情玩寇殃民致使滋蔓而不能撲滅如府州縣敢有故違者許本省撫按指名參奏撫按知而不舉科道聞風而糾劾之若是非過爲之慮也易曰幾者動之微機之先見者也禍亂之機夫豈在明不見是圖連歲災荒民已不堪又加之目今青黃不接之際候哺嗷嗷之黎枵腹待斃所爲危急存亡之秋也使不亟爲之賑恤不亟爲之防範則饑民既無所仰又無所畏如之何而不窮且盜也況今國家多事蜀夷未平而羅賊繼作以荒歉多難之勢當民心困危之時則撫養而安戢之誠當如救焚援溺不可一息少緩也伏乞皇上俯察臣等所言不大舛謬勅下都察院通行各被災省直撫按一體遵奉災民幸甚地方幸甚

公墓誌銘

昔代熙豐間天子以經術程士而士率童習壯行濂洛之學沒呂於時矣高皇帝廣厲庠序詔士非

明經不顯自是公卿大夫斌斌多文而震澤毗陵諸君子較著三尺之豎無不習者迨永陵中葉而瞿文懿薛考功卞司勳僉崛起江左鼎足中原士溟滓然下之惜司勳中道厭世未竟其業余與司勳爲同年友又最相善固願表章未果會其子洪勳函書幣不遠千里以請遂核實而誌之按司勳姓卞名錫字叔孝號潁山初號豹山先是制藝流傳海內鑄人尤多故學者咸稱豹山先生云公生而岐嶷不齷齪苛小九歲善屬文從其父白溪公遊崇川學日益進弱冠補邑弟子員試輒屈其曹

商宋氏世遺集

莊敏公

十

耦廩于縣官學憲孔公天胤雷公禮阮公鶚後先竝奇之嘉靖乙卯舉其省鄉試第二十四人丙辰與余同升南宮余以病未及對臨軒而公成進士籍甚人耳丁巳授官中書舍人益砥立名行時倖相熏炙以睚眦殺士而慕公才名命其所善萬郎中欲相結納公厲色辭之事幾叵測尋奉使東越特持雅操譽望鵲起所過名山大川必題詩刻石抒其忠憤有白手欲將扶日月空言還擬正綱常之句時白溪公與太夫人春秋高公以便道進觴露綬蜚緘便白互映星中競榮之亡何公以秩滿

考功令上績書例得推恩所生封父母妻如令甲適吏部員缺主銓者時以蔭子入賄物議大譁亟欲收人望以寢衆口公遂由徽省徙爲司勳郎有丞以數百金投之公直發其事自是門可設羅而忌者遂思爲下石計矣公素以節義自許會諫官相繼遠竄而蔭子氣焰愈熾欲抗疏發其奸謂卽不濟當以死殉之而太夫人訃聞公遂解組歸歸之二年而倖相敗蔭子磔死公實有以斂其魄也公念太夫人至不忘寢處每獨坐涕泣終日逾年竟病店塲公壽不登不惑位不越郎署然至今垂

商宋氏世遺集

莊敏公

二

數十年而海內博士家習豹山先生屹如鼎呂士豈必皆龍比哉彼夫屈宋兩司馬何以聲施不朽耶夫於抗疏觀忠於殞身觀孝無涯之智結爲大年余謂若公者亦足死矣公父白溪公玉嘗兩任教職後封中書舍人母徐氏封孺人祖訓有隱德曾祖翮以子謀爲弘正間名司理稱封君云其先曰綸善詩詞事在縣牒中公生嘉靖乙酉正月初十日卒嘉靖壬戌八月初二日年纔三十有八配吳氏封孺人子男三長洪猷有敏質而殤次洪勳補國學上舍娶曹氏繼娶姚氏洪烈娶姚氏女一

適郡諸生查允檣公先是以子幼未克葬厝在祖塋之左跡公善行難枚舉第生平與余友善於其歿誼不容無一言以識其大者因爲之銘銘曰
迢迢武水兮濬其祥矣有賢挺生兮邦之楨矣龍門涑水忽焉沒兮斯文安寄矣吁嗟徂兮吾焉倣矣

莊敏公遺集終

莊敏公家傳

公諱縵字伯敬號栗菴幼而穎異常端坐不爲兒嬉年十七補郡學生諸生舊制得免徭役同事挽公往請公以其傷恥辭焉嘉靖壬子舉于鄉時柘寇師尚詔陷郡城所過焚掠獨聞公賢戒其下毋得犯公廬里人相率匿公舍以免者甚衆蓋公之素行孚於遐邇久矣丙辰舉禮部己未成進士授永平府推官持法平允不希合當事意旨嘗視遵化篆流亡復業民歌思之尋擢山東道監察御史奉命巡按陝西應天山西遷順天府丞遂拜右僉都御史巡撫保定其在陝中貴呂用等以傳奉監十二團營撓法公抗疏極論中貴憚之後竟罷監視如公策在應天勸人築圩田以障水歲大稔遂爲良法行部察吏先列賢不肖狀榜於通衢而後譴舉吏民懽服在山西鞫前寇屠石州吏捕七十人奏當斬者獄得無辜三十三人奏請釋之巨盜李九經擁衆數千窟於山公殲其渠魁散餘衆爲農守令來謁令各條所職間出袖中事雜問之咸不敢飾詞以爲神襄垣令言城卑圯當增治公問工費幾何不能對公具道其邑中帑金庾粟丁

壯之數甚悉謂此皆不足以興工且歲報災傷茫無成算可輕動衆乎令乃媿服公之還朝也撫軍驢以蒲帕公貯之陽曲行日不取而去其在保定當畿南孔道冠蓋如雲公不脫民膏以悅過客送迎餽問一裁以禮紫荆重鎮故事春秋兩防繁費不貲公曰敵安在我乃先以兵耗食請無遣第練習以待緩急歲減行糧數萬裁冗兵亦歲省三萬又條上免改解重將權寬并責三事皆施用會江陵當國意不合遂引疾求去有詔痊日起用而江陵奔喪還日道經河南北大臣家居者皆出迓道上公獨若不聞益銜之以故久不被召公日優游松菊池館圖史翰墨間曰吾用是老矣江陵敗公卿臺諫交章薦引詔以原官撫保定時萬曆十一年也值年饑公入境先賑貸而後聞尋進南京戶部右侍郎改北轉左總督倉場宿弊一清請更京運于通省諸耗費俾得早歸遂定著爲令遷戶部尚書時燕趙齊晉梁宋大旱江南大水道殫相望經費不支或議開礦開例公曰二者開易塞難非良計也即日疏請發內帑四萬金臨德二倉米三萬石遣科臣分賑又議留漕糧若干貯臨淮徐德

四倉使減糶以平市價厚積以備非常故四方水旱閔三歲迄不爲害開封歸德食鹽舊隸長蘆已改食河東解鹽後解池鹽產不逮前而歲額如故乃爲澆曬法派之民間以足額鹽以澆曬故苦惡民棄不用盡食長蘆私鹽由是販黨日盛操戈持刃公行莫禁言者屢以復舊請而嵯臣恐虧課格不行公委曲覆議分開歸食鹽於山東長蘆令兩運司代辦河東歲額二十萬引兩地稱便販黨散息歸德衛軍苦爲淮泗二衛代運歲久死亡無算公議散之臨清各衛軍賴以甦天師草場火公令民願取草者聽須臾草盡火止神宗聞滅火狀善之時大司馬缺推公者再猶豫久之特簡公爲吏部尚書公屬精任事抑僥倖絕請託與宰執爭可否振淹拔滯不修恩怨雖里閭姻族不少假以私郎吏奉法銓政改觀而公以勞瘁病矣疏乞休者七溫旨慰留中使存問最後予告而公已不起薨于位天子震悼賜祭二壇命太常博士護喪歸出帑金四百命中書舍人典葬事越級贈太子太保謚莊敏蔭一子入太學公自筮仕十年而秉節鉞中間退休者十年復起歷司農至家宰凡八年年

七十而薨公性方嚴有規公正直太過者慨然曰
今世所少豈忠厚哉精練庶務然持大體多深識
遠見石公星代公爲戶部查出某省羨金若干深
自喜公曰朝廷錢穀寧蓄而不用不可搜索無餘
且使主上知有羨盈慮生侈心有郎署言粟多漕
運可改折公曰太倉之穀寧紅腐不可不足脫一
旦不給何所措置神宗臨馭日久每臺諫直言指
斥乘輿有時全不譴呵曰不過欲沽名耳卷封之
于公愼行嘗歎主上寬度公愀然曰言官論事正
欲人主動心寧責及言官或尚有儆省若一槩置

南宋氏世遺集

莊敏公家傳

十六

之如風痺不知痛癢無藥可療矣後凡百奏請一
切留中釀成弊壞人咸思公早鑑云公孝友最摯
幼遭靳太夫人喪哀毀骨立動遵禮制如成人贈
公故蔬食三年事繼母郭劉兩太夫人備極色養
少鞠於伯兄醫士公及嫂夫人鄭氏終身敬事之
公配朱夫人亦承公志內政一粟兄嫂故公兄弟
同居食者六十載無間言公肇爲商丘邑志又著
四書就正錄易正傳性理便覽通鑑摘要羣書摘
粹古今藥石四禮初稿粹白錄藏於家

贊曰竊聞明世冢宰自神廟後稱宋陸孫陳公

元薦作莊簡清簡恭介三太宰傳而不及見莊敏
公公蓋爲三公先導云神廟當明全盛時然物盛
而衰百弊萌起公秉銓僅歲餘說者謂世道駸駸
復古豈偶然哉觀鄒公觀光銓事記言公分別流
品月爲簿籍以授選曹又病亟矣猶力疾至聽事
堂冀筋力尚可爲嗚呼鞠躬盡瘁古大臣當如
是矣公嘉言盛績不能備著著其大者於篇

元孫之舉校

南宋氏世遺集

莊敏公家傳

十七

(明)宋沾著

福山公遺集一卷

清康熙刻商邱宋氏三世遺集本

